

民無
屋居

拱辰樓 在北門外

曠神怡神樓 在東門外

元黃清老曠神怡神樓詩
浪舊隱平陽東蒔梅種竹依
蒼松長洲一徑入芳草白雲波浪金芙蓉層樓縹緲
出天半木末兩山橫几案湖光空翠萬里來畫拱朱
簷在河漢海門浴日朝漫漫扶桑東影搖闌干大鵬
鼓翅六鷺側飛雪晝下炎天寒有時潮來月亦上青
碧羣峰忽相向長魚弄影明修梁夜吐虹霓數千丈
吟餘長嘯天風生飄然空舉十二城乾坤上下皆無
際心曠神怡趁太清稚川恍遇神仙侶傾蓋驛
亭聞笑語問渠黃鶴幾時還共約看山聽春雨

錢王樓 在錢倉寶勝寺五代吳越錢王曾宿于此

棟蓼世輝樓 在南雁山宋陳經邦經正經一經德經

郭孫元普元勝會孫承起讀書處陶良器棟蓼世輝樓詩羅列奇峰插

太虛研覃經義寄巖松聯芳樓
夢真堪羨伊冷滯源咫尺餘

班春亭 在州橋西


宣詔亭 在州橋東


清安亭 在縣治宋邑令林宜孫清安亭銘邑無難亦
無易欲治人先治己食爾藜飲爾冰

鬼神敬神明親樞爾金囊爾帛衆啣寃天降罰象有
齒焚其身錦步障何足榮爵退香全其壽與邨銀故
不受是知清者福之源貪者禍之端清者享厥福貪
者喪厥官清者取難而易貪者取易而難古人有言
曰官清夢寐安此余
所以名亭之意歟

此君亭 在縣西北宋邑令林宜孫此君亭記君者羣
也尊也故尊于人者謂之君無其

位而德可尊謂之君子豈惟人耳雖物亦然竹之德
一本固二性直三心虛四節堅故王子猷尊曰此君
而君子多植之為庭實焉從其類也余次橫陽之明
年夏步遊縣西北坡垣有積土數尺自下而升兩山





翼然挺出羣木跋然來朝背負鳴山景象軒豁徘徊
良久顧而樂之乃修垣增土鑿石以為亭既成周圍
悉時以竹封植之灌漑之欣欣然便有生意于是月
出金瑣碎風來玉鏗鏘公退之餘時與對坐觀其本
則思所以因而審觀其性則思所以直而勁觀其心
則思所以虛而明觀其節則思所以堅而立竹于德
有四人與竹則一愛之如友親之如賓視陶柳潘
花美則美矣吾未能以彼易此也故名以此若云

望月亭 在縣治

愛蓮亭 在縣治

明林國棟愛蓮亭詩荷亭憩夏涼長日披襟爽寄傲地天寬懷音金玉響香風拂面來花氣襲衣上河朔寧專嘉茲遊雅寄賞

寫心亭 在縣署內借賢鑿井著銘

國朝康熙甲戌
令金以坡作亭其上
井銘惟清惟深淨物澤民我心新井我井斯心至以坡寫心亭詩鑿井而齋曹有銘不須民力表成事俾鏡計有願

望中背水香茶熟論農事漸喜于今冷談庭楊戒寫心亭詩鞅掌何曾不寫心公餘亭畔偶閒尋弓開健羽長穿鶴指點高山便入琴玉竿漫勞金管侑清歌時過白雲深碧桃井上邀明月推徹當空豁素襟

苒香亭 在千戶所內

叢桂亭 在縣治南街宋時邑中同年登文武者十六

人令徐以道為建此亭

西山爽氣亭 在縣南

李邴西山爽氣亭詩亭外西山出翠螺亭前春水綠生波乾坤物色看無際星斗闌干意更多白亭烏紗人未老清尊綠酒客來過何時擬向滄浪去一洗煩襟聽棹歌

葛泉亭 在鳳山東

國朝邑令吳永申葛泉亭詩昆陽城外鳳山東有亭如翼插長空亭前一水來何處迤邐從之源可通開昔真人葛稚川當年洗藥藥池邊琪花瑞草抽還萎池畔飛來一水暖偃室睽茲僅咫尺觀面好山素相識案頭暫停宓子琴郭外閒躡謝公屐清樽當檻興悠悠百里人

烟一望收瓊繫茲邦歲復歲屈指流光又十秋君不見亭前一塊石仙人調猿遺其迹老猿叫入巴山去
留得松陰泉滴滴呂誥重陽擬遊葛泉亭不與詩
蕭然環堵漫徘徊遊興詩情總不開月驚看黃葉
滿青尊誰遣白衣來雲連海氣風吹樹日落林
陰雨溼苔却憶葛泉亭畔石何人坐酌紫霞杯
懷仙亭 在仙壇葛朝邑令吳水申懷仙亭詩我懷成鶴已歸四山青拂面一水綠浮衣焉得飛鳧鳥乘風遊帝畿

借竹亭 在仙壇山

水西亭 在城西明顧華水西亭詩橫陽城西池水清鴛鴦鴻鵠交相鳴輕翻細網密如織幽人高臥池中亭昨夜涼風起天末秋思先驚入毛骨城頭鼓角東方明起看青山半與月

白石亭 在西門外

紫芝亭 在儒學宋景定五年產紫芝建

喜雨亭 在儒學

觀德亭 在學前射圃明邑令王嶽建

北津亭 在北門外舊有廳三間兩厦西向臨水立石架屋以泊站船廳後為客房前為左右廊門內有蔬圃

圃 國朝順治四年寇燬今為僧茶寮

南津亭 在坡南明治三年為社學建屋五間有蔬園空地今為僧茶寮


園空地今為僧茶寮

朴處山川亭 在沙岡

宋徐潛朴處山川亭詩朴處不在山朴處不在川悠悠方寸地

宛在結繩前

怡老亭 在一都明邑人呂洪建



雪坡亭 覽翠亭 馭風亭 濯纓亭 俱在鳴山

觀魚亭 在萬全鄉明吳致文觀魚亭詩道在天地間

斯若所躍雖在魚所以躍者誰一理貫萬類物皆此推樂魚不在淵樂道合自然作亭以觀魚立志希

賢聖

問山亭 絕塵亭 倦遊亭 俱在萬全鄉

名杜亭 在沙塘陡門

終慕亭 在仙口

仰雲亭 在象灣明邑人蔡芳建

仰慕亭 在洪坑雅州陳洪七建

來儀亭 在鳳山宋翰滕甫來遊留旬後人建亭

景衡來儀亭詩名山海上海上誰曾到多謝滕公與賦詩古寺一從渠去後新亭還有鳳來儀杖藜獨往長橋首樽酒相逢且展眉巖谷千秋有明月只應此意少人知

應夢亭 在鳳林鄉青華山宋林夢桂建

雨暘一憩亭 在蕭家渡


東耕亭 在睦源


釋耕亭 元林齊釋耕亭詩耒耜休耕後詩書樂事兼芸香春滿屋燈影夜垂簾野犢眠幽草山禽下矮

簷長隣鹿門叟不似晉陶潛

雲松亭 一在仙壇山一在鵬山 元張以寧鵬山雲松亭詩梅源之口池水

碧老松千章根如石上有頽然不疑之流雲疑是彭家山翁手親植山翁仙骨似錢鏐地行巖入天仙跡築亭小隱鵬山陽六月南溟聯一息朝看松青青暮看雲白白有時雲去作霖雨洗沐青松翠如滴有時





平陽縣志

卷之十一

松引海風來搖蕩白雲作秋色翁今已乘白雲去松
下空遺鶴一隻諸孫挺秀青田姿猶似仙翁仙骨格
吾聞松壽三千年雲護靈根藏琥珀
願翁諸孫服食之同上雲霄生羽翼

甘泉亭 在金舟鄉宋德祐時二王汲水處明里人金

文壁嘗葺之

涵碧亭 在翠峯

綿坳茶亭 在南雁蕩山以五代時錢王給願齊之徒

綿絹苦茶得名

崧臺 豫章臺 俱在鳴山

蛾眉臺 在縣治東隅

萬壽閣 在儒學

豐鍾閣 在鳴山

會文閣 在浦源宋陳經邦建陳經邦會文閣記凡物

為波之文丹青相雜為色之文仰而觀之日月星辰
天之文也俯而察之山川草木地之文也晦明隱耀
高下天喬其皆交錯以成之者乎惟人亦然入而父
子兄弟夫婦出而君臣朋友長幼口備用為動靜語
默口歡然以相愛者雖無意于為文而口文豈非交
錯而然乎而獨問學講貫之口以見其為文故孔圍
之所以為文自夫敏而好學不取不問得之而吾會
子亦云以文會友以友輔仁益嘗思之入之情莫密
乎朋友莫樂乎切磋琢磨之益其開心見誠握手商
論而真心實意軒豁呈露是以時習朋友講習著于大易
于魯論之首而麗澤兌君子以朋友講習著于大易
之書蓋其文生于交際之餘而古之聖賢尤所愛重
焉者但非錦繡茶組之工丹青繪畫之色吹彈敲擊
之樂所能喻也邦自髫髻讀書晚而不倦雖識見不
及于前時而嗜好有甚于初心孜孜矻矻廢食忘寢
殆若狂然家人僮僕皆以癡目之不自知其為癡也

平陽縣志

卷之十一 雜志

古蹟九

又如是而益甚而家人益之以厭于是謀于家居之前創為書閣且欲遠于家務庶免家人之所譏議閣告成嘗試以會文名之而又鑿沼于其前開圃于其側環山屏列乎左右帶水縈繞乎東西日與諸友登臨于此以讀書綴文為事休則凭闌寓目暢氣舒懷一觴一詠自有餘樂且與諸友而言之曰而所謂會交者其取會中邪其取諸人邪其亦耳剽目竊于簡冊中邪言未既有笑于列者曰君何欺余哉人與已一理也會中簡冊非二物也融物我剖籀籀人已何所擇得魚克忘筌蹄會中簡冊何所拘文固文矣混而同之合而一之茲其所以為會文也歟猶之眼色合為見色雖去而視自存耳聲合為聞聲雖希而聽自明是非所以累是故所以相生也于是欣然接筆記之時崇寧二年歲在甲申三月壬子也


碧澂閣


在東門外

文崇名以儒師甲帶礪于都會鍾

物色乎幽奇闢址歷于遐禩尼材由于斯時以碧澄而標類實茅茨之所支仰窺洞微俯駁逶迤長江天

躡亭列翠微脈脈前雁地接東菑湖天鑑其上下闔闔乎東西迎九風之嘯蟬漾萬項之漣漪呈爽之沆瀣映流光乎朝曦鶯聲散林木之曉雞唱匪井烟之炊晶霞散岫紫霧橫波嵐光滃鬱渚色參差錦屏右列文筆左踈紺樹搖靈波之色輕波吞茵草之坻曼琅玕兮屏翳展素練兮玄夷臥長虹兮夾岸羅翠幙兮睡隅欵乃徹兮耕者績暇晤起兮牧者吹舸艘絡繹花鳥交加鷗機忘泊峰陣成衙卷草若案倒本如槎拂簷野雨徧綠桑麻點綺陌之戲蝶奏鼓吹平鳴蛙罟斷江妃之腕雲補小姑之牙照返仙壇影度橫斜之倦鷺月籠睥睨聲傳斷續之暮笳寶鴨鳴霏烟渾起武昌之鶴銀缸吐焰恍然太乙之藜噫嘻乎此朝暮之大觀也至若谷風澹蕩遲日嘉融吾知春意之和也南薰嘘拂展簾披襟吾忘夏威之嚴也大





卷一
卷一
一 卷椒局半杯探右軍之奧妙評摩詰之丹青徠名
詰以仁輔博珠玉乎縱橫呼青州之從事調綠綺以
適情坐窮物理言外天機任風塵之擾擾惟極目而
如如不知香壤間孰為閭孰為我也亂曰厥棟鼎肇
山水攬圖壯我鴻模願焉
永綏貽于後昆名無替且

守法軒 在治署


牧愛軒 在丞署

青來軒 在縣署內 國朝邑令金以竣建

朱朝弼青來軒記

邑侯治吾浙之平陽政尚清簡折獄多平反以明允
稱邑當山海交証兵燹遷遣後賦役不均侯廉得其
弊釐剔之簿書赤兩按籍井井吏不敢奸民稱便輸
將踴躍不煩鞭朴厥賦孔修上度支催科而撫字矣
至興水利設義學新鄉賢祠脩邑乘其他凡有利于
民者罔不規畫講求蓋未期而政通人和百廢具舉
越明年縣廳事壞出俸庀材葺之衙舍湫隘沮洳下
參上漏齋址荆榛比櫛黃茅白草也侯鳩工作小軒

數椽鑿治方廣一尺外益益闢在葦榛棘藜竹數竿
軒不施丹雘敞而爽闥樸而不陋侯之言曰吾斯軒
無他但有前兩山青翠排闥來吾几席間耳因以青
來字額云修篁簌簌滴翠與山光交映一草一花俱
極幽妍明秀豁人心目公餘之暇宜鳴琴而眾山索
響宜鬪茗而土潔水香擁圖史則境閑神澹權古揚
今道遙德義之圃也識實僚則譚心論治集思廣益
奠民生熙皞之鄉也左之右之無不宜之因屬予記
焉噫侯真知所先後矣夫棧題數尺井幹增梁曲榭
高臺珍禽異卉足以眩流俗而不足以說賢豪漸侯
三世撫沅大中丞而下為國名鉅卿歟歷中外而侯
天資英敏稟義方家修有素一旦出宰百里宜其堅
冰操知民疾苦務以休養生息寬仁明恕游刃恢恢
民受其福也故即一創構間十尺之舍風雨僅除不
修聖刻楨以美勸安甲陋惜物力也蔣草種蘭芟刈
蕪穢無珍禽異卉靡麗寧靜明澹泊也若眉山之遊
然廬陵之醉翁其勝在佳山水但未知南雁蕩層巒
青翠常來瞻顧否因述侯政狀歌詩長發之四以落
之并告夫後之賢者知不徒以亭池花鳥嘉木游魚
一咏一觴獨有其樂耳軒成于康熙甲戌九月望邑



五陽

卷之十八

一

侯諱以竣字彥伯遼左蒲陽人也屯村程工量俸授
直不費民力當與附書楊戒青來軒詩雙山蔥鬱送
青來一障當軒几案開翠擁琅玕舒鳳尾碧深池沼
育龍胎琴分單父堂中韻鶴獻仙翁雪裏杯詩看萬
間成廣廈徧栽丹桂及黃槐徐元輔青來軒詩山屏
聳翠向亭臺景色遙臨海市開四野桑麻欣雨潤一
天風月抱琴來鶴聲應共泉聲遠花影常隨
鳧影回枳棘原非棲鳳所金沙縣裏慶三槐

吟竹軒 在雅山寺

明王義吟竹軒詩半畝移從湘水
西滿林春色鵲鳩啼長梢挺挺凌

雲直嫩葉猗猗帶雨低久想葛陂龍已化尚期丹
穴鳳來樓上人駐錫無餘事日報平安任品題

敬軒

王朝佐敬軒詩作聖階梯義甚明豈容惰慢到儀
形氣將六馬收銜響心不多岐守性靈上帝鑒茲

區翼翼主翁喚醒更惺惺掛榻
倘有希賢志合把齋箴究考亭

逍遙軒

水光山色軒

俱在蓮池明百歲翁陳彥生

新居

初心齋

宋鄭樸翁所居

鞍山齋

在馬鞍山下宋周行之所居

林景熙鞍山齋
起山于天地間

爲物時或蟻如龍或踞如虎或儀如鳳或曳如龜或
中而裁或筆而鏡或簡而方或益成笏或旗或印形
象物而名隨之見陽湖海而縣諸峰自西南來氣勢
橫逸若萬馬之奔距郭近一峰特聳若勒回馬首而
顧其群其旁起中伏若馬背負鞍故名馬鞍山春時
杖履西郊見雲霧吞吐花木紛披宛然紫茸翠毛之
飾見駘吾目周氏族居其下箕裘詩禮踰二百年行
之翁薦于鄉登龍虎第春風得意看花長安堂叔父
蒼巖先生嘗五馬台藩其子延甫升上庠幾爲走馬
舍逸程悠景沒皇路險傾昔馳今止也昔驟今拘也
昔康莊今阜樞也翁德不踰閑以一靜鎮群競顧生
平出處有似茲山方相羊以盟吾老故自號馬噫嘻
入駘不遊六螭猶在翁將烏奕乎高駟驅策乎要途
追蹏抹電一瞬千里乃挂長林倚高嶽使樵夫牧子
得熟視而摩挲之昔馬伏波年六十餘自請伐胡據
鞍顧盼以示可用上曰矍鑠哉翁年過伏波而貌腴

三陽

卷之十八 雜志

古蹟

七

意遠如有用我尚堪一行否翁笑曰呂公後車申公
蒲輪皆後吾十年吾殊吾馬矣子聞翁言頗壯翁而
知翁之壽未艾也翁
行子亦執鞭從後

黃友宅 在縣西南三十里梅源宋欽宗御書忠節傳
家四字旌其間

陳桷宅 在蒲門厦材

蕭振宅 在縣西南二十里振居瀕江微時見過客爭
渡多溺死及貴造巨舟以濟人感其德相與名其江
為蕭家渡王梅溪詩云豈不聞侍郎名德重本朝渡
旁乃其宅人亡木惟喬

陳彥才宅 彥才世居縣南三里鳳皇山下元祐中共
父率族人獻為學館徙居蓮池厥後邑中人物接踵
而陳氏科名亦稱盛焉

徐誼宅 宋徐忠文公誼故居相傳在沙岡山下其地
有徐處士祠即其祖也


王自中宅 宋王自中道甫初居仁鄉晚徙縣之橘
莊雅愛仙壇僧屋之後山卒遂葬焉

蔡必勝宅 在縣北五里步廊

朱黼宅 在四十四都杉橋

徐儼夫宅 在縣西南九十里桃湖儼夫以狀元及第
官禮部侍郎故渡口有狀元坊

徐儼夫桃渚山居詩
門掩深春過客稀綠



陰時復數紅飛疎簾半捲
餘醺雨小立黃昏待燕歸

周元龜宅 在縣西二里馬鞍山下

林逢龍宅 在寶巖山中

鄭僕翁宅 在縣北十五里焦下山
林景熙會宿鄭宗仁山中詩挑燈懷

舊筇移席近春泉共語忽深夜相看非少年斗垂天末樹燐出雨餘野亦有茅簷下飯牛人未眠

林景熙宅 在昆山之陰白石巷
國朝邑令徐恕題

寒叟義聲炬萬古者舊間橫陽霽山首當舉宋陵玉
匪盡餘骸委無主也激烈士肝盟眾潛往取託為采
藥行用意亦良苦也青山春鵝血清一採土用報養
士恩名效非小補所嗟理宗顯充寶入內府湖心所
網得欺乃受源又高風神鬼欽長在護遺字歸然兵
燹餘英魂儼依處幽光乎日月正氣薄風雨驅車正
尚陰式語
首為備

史伯璿宅 在縣西南二十五里錢倉鎮元儒史伯璿

隱居于此學者稱牖巖先生明 治初邑令王約即
其故居之前建祠祀之

鄭東宅 在五十三都蒲門東有送周元浩詩云我家

亦在蒲海頭是也


湯宗宅 在坡南儒林里

鮑輝宅 在嶺門輝正統中官刑科給事中死土木之

難景泰中建祠立忠諫坊以表之

陳宣宅 宣世居橫陽江南之柘園成化辛丑進士第

二人歷官河南知府轉雲南參政致仕歸徙居坡南



故別號四南居士

吳寶秀宅 寶秀世居縣西南五十里河前徙居縣北

之市心街後人為建忠烈坊

環綠山房 在仙壇山

英藪山房

王朝佐題英藪山房詩築室傍丹梯新顏于
白題空涵龍洞雨壁汚燕巢泥樹色圍春書

書聲雜暮溪南園花
正發攜酒聽鶯啼

葉嶺書房

宋蔡子重藏書處


葉適葉嶺書房記丙寅
歲驟起師北伐余乎論


于朝諱星潤江池別募兵急備守補樓船器甲之壞
以虞寇至未之許也無幾田俊邁為虜得郭倬李爽
皇甫斌不任戰而潰中外恐快遂出子金陵制置江
上平湯蔡任子重實謀在行數月虜大入淮民避走
江南百萬家矣一日傳有胡人三騎抄水濱兩舟繼
岸側城中聞之皆震動吏顧余前不能持紙唱然而
嘆始始建炎以來虜虜波瀾不絕明越之遠者非真
勁悍不可敵也既據于石跋嘴復邀之空山虜遽解
和州圍退屯瓜步郭侯雖敗而亦以困歸常是時子
重專治軍事晝夜不得休息而余聽訟歸獄從容如
平常不為則建康之人未見敵先遁隨建紼覆轍矣
蓋有智者不待素習然必無懼而後智行焉若子重
余特以故入子重之不知其材至此也子重既果對
仕進路絕所居林阜折旋雖七屋山葉嶺尤近草木
之陰與几席相錯因度為書房曲徑修廡而讀書其
中以為材無用于世則姑寄于書而已夫書不足
合變而材之高下無與于書此為不知書者言也使
誠知之則非書無以合變而材之高下固書之淺深
係焉古之成材者其高有至于理以是也靜有以息
謗動有以居功亦書也怕無所存而所有者常在功
名之外亦書也百家衆作殊方異論各造其極如天
地之寶並列于前能兼取而無偏皆書之餘也書之
博大廣遠不可測量如此惜乎余老死不暇讀矣
子其盡心哉無徒以材為無用而始寄于書也

白沙草堂

元湯元善別業

湯元善自題白沙草堂詩
四道懷茲頗有年面勢在





平陽縣志

卷之十八

雜志

古蹟

經始辛勤育屋廬茂密樹桃李雖無車馬喧僅見兒
 電喜助哉王右軍他果在栗里西疇農事畢簪盂良
 朋多閒居賦潘岳種樹思棠就開軒挹涼月對酒仍
 高歌紛紛青雲士富貴終如何僻處海一隅地遠火
 林麓素練結清渠橫翠向茅屋賦坐對南山飽食意
 自足珍重齋居詩更使百過讀雅愛田園居自顧非
 備夫庭前種松柏期為歲寒圖方池臨疎
 竹梅月清而雅習習枕書臥此樂何可無

林灘 在梅溪隱士林子玉讀書處 詩山籬短短徑斜

弄屋子三間竹半遊歲儲無借供菜把天寒有鶴
 梅花武林流水非秦世姑孰青山落謝家英約春晴
 草芽動杖藜
 清酒踏青莎

葛翁小岩樓 石牀 丹竈 俱在仙壇山 小岩樓岩上刻葛洪

詩云陰洞冷冷風 天夢後 清清仙居 花木長榮 又
 景翁葛翁石牀詩 天夢後 清清仙居 花木長榮 又
 景翁葛翁石牀詩 天夢後 清清仙居 花木長榮 又

葛壇 在仙壇山 林泉隱葛壇即事詩半壑松蘿識雅

古春蚓秋蛇醉墨 世榮枯成一笑人生好
 醜在下方城郭塵如海輪與山中枕石眠

葛翁石基杯 在萬全鄉神山寺後石洞內

馬湘丹竈 丹井 丹臼 俱在松山西壑相傳唐真

人馬湘與徒王延叟煉丹于此

浮鐘 在赤洋山相傳昔有寺在山上 一夕為大水漂

去其鐘墜潭中每鐘浮則必雨土人常以為占後有

高僧至呪之鐘果上浮觸石鏗然乃沒 國朝邑令徐恕詠浮鐘

詩澄潭窈無底中有神鐘潛往時懸寺閣光氣霏華
 檐洪水條脊發漂墮于此海龍抱珠睡錯處不敢
 兼鏡十激巨浪鉦雨摩赤嶽有時出水面山畔爭趨
 胡苻藻樓盤蟻碧染于思鬣沙際乍遊行飛雨俄四

平陽縣志

卷之十八

雜志

古蹟

落靈異不可詰欲辨口已籍鐘工號息氏雖取虛浮
兼詐有萬鎊重輕舉如芒織沉浮驗晴雨難以常理
占稽筮踴躍確探奇意一吹波光射高壁皎若鏡啟
奮涼風披修修傾崖立貼貼彷彿積水內旋蟲見微
尖何當邀梵僧咒出得快瞻觸類異聞筠管聊一
拈飛躍諸幻跡一一歸樓掃誰廣齊諸志于此須續
添

沉香埕 鐵埕 俱在雁山普照院相傳吳越王夫人

吳氏所造以祈王者皆有歎識

古樟 在嶺門 明章元應題嶺門古樟詩三泉神弩發
機關疑塚徒埋死後好千古趙家墳上

樹不勞餘
力錮南山

錢倉 在鳳山以石罅中有錢流出故名一云吳越錢

王遊此今名前倉 黃雲蚰錢倉懷古趙錢王據吳越
值戰爭秋兵革有餘暇林泉覓

躡遊靈山不吝費剔洞更尋
幽慨想風流致應教姓氏留

時變

宋德祐乙亥十一月間趙與擇潰軍夜縱火自城內抗雲

橋至平政坊自白石橋至鳳儀橋自城後橋至社壇

巷皆燼三日三次起火


元景炎乙丑端陽淮軍南竄縱火自平政坊延燒至嶺門

至正十三年春間山寇縱火坊郭村落多燬燼


明正統十四年山寇劫掠村民

景泰元年寇環城三日坊郭村落民居燬者過半

嘉靖二十三年十二月十二日夜海寇大艦泊錢倉江




埠次日突出縱火劫掠而去 三十一年春海寇登岸劫墨城錢倉擄掠男女夏四月復劫九都江口把總夏光與戰不利賊益盛遂至八都豐山巖頭塔下陽魯各處直抵仕巷儒林所在燒劫時儒學方葺幾燬 三十四年十月間倭船泊南帆山下至十一月上將軍嶺至蘆浦復從白沙至十六都北港麻園閘十一月初三日溫州衛指揮祁嵩百戶劉敏領兵出哨渡溪未濟倭伏林中突出將士死者六十餘人 三十五年二月間倭寇自福建出桐山水北屯劫本府同知黃釧領兵往捕賊至兵盡走釧遂遇害時四月初二日也七日屍乃獲面色不壞 三十七年端陽日倭寇由瑞安渡江至縣東登仙壇山射矢城中燒劫南門外及嶺門東西牌坊盡燬喊聲震地數日復燒東門凡兩閱月乃出男女被殺及赴水者不可勝計 三十八年三月間倭寇南北交集復至南門外直入南北兩港燒劫殺擄男女及赴水墮崖者不可勝數越三月乃去傷殘之餘田疇至不能下種 崇禎五年十月間海寇袁八老自瑞安飛雲犯境戴典史督率鄉勇同前營續把總官兵往禦生擒七人賊隨燒三都民居而去




皇清


順治三年丙戌大兵至郡平陽文武官員聞風先竄城鄉百姓俱剃髮靜候安撫時山寇吳肇馨率眾欲據城已至坡南群情洶洶大兵至賊眾奔潰自相踐踏及赴水死者不可勝數 四年丁亥十月山寇汪佑等糾眾倡亂自號義兵構闖寇陳倉尤四盧豹等在南北兩港募兵索餉十一月十五日自甸洋出西門外縱火罄燒民房圍縣城城中戒嚴二十四日賊聞援兵至宵遁十一月初四復至四面設雲梯攻城官兵屢破之遂下鄉招兵劫餉相持半月餘郡援兵至追殺無數時汪佑亦殺于南郭廟餘黨入兩港至戊子年復聯絡永樂瑞寇何紹龍石旗牌等南北兩港江南錢倉悉為蹂躪甫勦卽遁甫遁卽聚明年復攻金鄉衛祖固山官兵追殺直抵桐山渠魁陳倉等逃匿旋集散亡各處爲害首尾兩年男女惶懼聞警亂竄急則或墮崖或赴水或覆舟死者不可勝數至順治八年金華總兵馬進寶自處州換山守隘逐處搜勦何紹龍石旗牌沈可耀陳倉等相繼就擒寇乃平 十五年五月初九日海寇鄭成功大鯨蔽江而至汎防各標官兵咸畏懼降順城內去年火後寥寥數家賊見藐而不入惟在鄉劫掠三日并取西門內



典舖積貨而去是時婦女赴水者不可勝數榆洋堡尤甚三都竺魯寨其近都居民萬餘避入寨中其地四面峭壁賊以須餉爲名群集而上至半山民以巨石壓死者數百賊怒仰攻不已及寨中石竭賊屠寨男女墮崖死者不可勝數十一日鄰邑山寇復作搆聯海寇爲亂至十六年間副總兵張思達領官兵至先勦山寇指撫渠魁華勝林則忠等是時海賊餉船分布江口南岸思達至金鄉捉獲偽餉官黃鬍子申解諸賊艘畏遁十八年秋徙沿江居民于內地扞木爲界時令高儀坤持議依瑞安例遷五里張思達疑其受賄嫉妬相持持議必遷十餘里遷民人衆界內屋少貧而無親戚者凡廟宇及人家門外皆設竈設榻男號女哭四境相聞時遷民黠悍者倡率愚民所在搶奪殷戶積穀幾至大變各憲多方撫恤安插乃定

康熙九年復界外地獨浦門未復十三年夏遊擊司定猷機乘耿精忠叛陰使人至閩納降且約以兵至總鎮蔡聞之遣人護送家眷至郡定猷遣衆騎披仗追之不及騎回少頃蔡微服單騎出總鎮府後門回騎要而阻之復入少頃定猷囑所部至鞍門炮聲喊





聲不絕執蔡將獻諸閩百姓驚惶無措俄而令箭四出
至據地十五年冬恢復二十三年復蒲門界外地
四十七年處州牛頭山叛賊勾結籐洋民聚眾為亂
總兵王應虎發兵擒之斬首三人餘俱散

祥瑞

宋熙寧間南雁山大魁峰頂慶雲屢見

景定五年紫芝產于儒學

明永樂十年南鄉田產嘉禾一本四穗或三穗二穗十三
年麥兩岐者數十本

治三年金鄉產嘉禾一本四穗其三穗二穗者不可

勝數鄭豫誠嘉禾頌治三年七月金舟鄉民田禾

奔趨觀者里人鄭豫誠採之獻于本縣因作頌拜序

以美之曰治三歲庚戌之秋嘉禾產于昆陽之金

舟鄉鯉根鄭豫誠之田一本而四穗二穗三穗者甚

夥鄉之戴白垂髻族觀聚歎以為創見也意俟其實

將以獻于邑罔料無識童稚摘為玩戲泊遠來觀者

珍取而去僅採數十本上進以昭聖朝熙洽之治見

仁侯循良之政按說文曰禾嘉穀也木旺而生金旺

而死得時之中故謂之禾瑞應圖曰嘉禾五穀之長
盛德之精也公孫曰人主和德于上百姓和合于
下故心和則氣和氣和則形和形和則天地之和應
矣惟茲嘉禾實我聖皇之德和于上仁侯之政和于
下上下一心天人一致故瑞發于物以揄揚之豈苟
也哉豫誠塊處蒿萊沾濡惠澤幸觀四穗之嘉禾遠
過兩岐之秀麥謹據里巷之謠為之頌曰和氣致祥
乖氣致戾眷茲嘉禾至和孕萃嘉禾維何一本兩穗
或四或三與眾禾異吁嗟斯禾匪偶然致乾符儲祥

平陽縣志
卷之十一
三
坤珍呈瑞仁風長養惠日所煦甘露滋濡化雨所被
其始秀兮如松筠翠其終實兮如薏苡綴兆歲豐登
人民富庶表聖皇德彰仁侯治惟我蚩蚩叨逢
盛世耕食鑿飲獲際稀遇作為頌歌永揚罔替
人瑞

明陳彥生 居仙居嘉靖歲貢楚府教授年一百五歲名
列郡城熙朝人瑞坊有國傳坊在本縣

陳文忠 居蓮池年百歲其地有百歲恩榮坊

林貴甫 居林家埠抱道隱居明永樂間累薦不赴立
義塾守儒禮喪祭不事浮屠預知已終日作遺囑訓
後屆期宴集親朋端坐而逝年躋上壽

陳四南 卽陳宜居柘園年逾九旬作詩以明己志有
寄語閭君休慙急高山平地我方來之句


皇清蘇仕偉 居璣琳長子文煥性孝友奉養有方偉年將
百歲鶴髮童顏步履如翔令吳永申舉鄉飲

徐聚奎 居西門生員年九十七歲鶴髮童顏

歐陽吉 居宋洋秉性孝弟耕讀傳家乾隆庚辰壽臻
百歲傳世五代孫曾半列鬢序邑令徐恕詳請題旌

災異

宋乾道二年八月十七日颶風挾雨拔木飄屋夜潮入城
彌望如海潮退浮屍蔽川存者什一山原之屋潮雖
不及盡爲風雨摧壞田禾不留一菑事聞遣官賑恤



嘉道四年 端平元年火時與地俱無考

德祐元年大火三日不滅地無考

元大德元年颶風大雨海溢如乾道時但患止沿江事聞

發官糧二千八百八十五斛賑濟飢民五千一百六

十口免其租章嘉風潮賦平陽縣地瀕海前代屢遭水患載籍無考自宋以來至元大德元

年丁酉七月颶風海溢漂蕩民居田地鹽竈以萬計溺死人民不可勝數朝廷遣官履視賑恤邑人竟

嘉上風潮賦曰咄咄哉自斷齧以來不知其幾千萬年桑田幾變滄海滄海幾變桑田以蠅蚋而啼青

松難計春秋之八下胡然斯變不我後先匪躬罹而目擊深神惕而心惟秋云孟節丁中元歛飛廉之

燦怒發土囊而轟掀健六鷁之過來大鵬之南遊白犬為之出穴鷓鴣為之止門疑神符藋壇之夢

翳景驟驟錯在破城崔嶺海若怒天吳猛濤變營倏倏駢日濤傾雷摧摧覆覆濤濤濤濤濤濤濤濤

起毛鱗鱗縮頸崩乎隄闕而碑礪雷响响今湧濤濤之佛鼎恍若倒三億三萬三千五百九十一處之泉

源一時逆入乎此境假令千臺駘而莫障百神禹而莫拯欲效愚于捧土兮難塞孟津之漲欲展計于負

薪兮殆類瓠子之青俄而混汪漣迷田疇團山嶽汨陵正禾登場而梗泛茅呈而樺浮片片翔駕瓦層


層壓屋樓小屋如蹶塊大屋如行舟積頓蠅者羽化為蠭像之所梢海童矍睅而無度馬銜儵昱而示妖


黔首掣掣洩洩以屑設諒亦負穢虛誓之由招友屈原于楚澤狎妃女于湘流魂喪魂飛莫儕謫仙子采

石膽落神怯葭並伊川于沅州第見飄萍之男女屍千萬而為儔白江之斃不其過肥水之魴不能侔縱

脫身于魚鱉亦鳴怪于鵠鷓及乎天地融朗陽侯納幸蟻命之再生駕舳舻之葉葉遺縵兮莫親曩

屍堆之稠疊掩鼻泚顙躓躓懾懾曩縵縵兮莫親曩媚嫵兮莫接容儀眩矜于審觀衣冠髮于揣捻故乃婁三曳兩血眸淚頰厚衣薪而火葬悉幻化于灰劫哭聲振海岸而替替怨氣摩秋颶之獵獵間有磬赤族之嗒類收白骨之無人烏鳶嘯食而跼跼豺犬





濟嚙而踐蹂穢脂沃地氛沴干雲天陰雨淫螢攢野
燐焄蒿悽愴號叫紛紜日甚愚氓之駭風傳訛語之
嚙將出鄉死徙之迭見必凶歲饑饉之游臻噫歎歛
陶唐有懷襄之水使挾之以風則上窟下巢皆蕩颺
人其為鬼矣成周有動威之風使灌之以水則木拔
禾偃皆縮溼歲何由豐歟厥今風起水湧亘古所無
天生蒸民殺之何辜太空冥冥無主宰于其間乎
若愷悌君子民之父母盍亦燭陽和于寒沍之餘傳
皮毛于瘡寒之後推甲死濟生之心垂拯溺救饑之
手均減賦而蠲租毋遠薄而邇厚吾聞夫闕淮泛溢
德輿詰持節而勞來河雒瀾漫務光陳崇祀以引咎
倘踵芳躅兮追華踪疲瘠殘疾之遺黎將歌黃童而
舞白叟蜚政聲于宸闕渥簡注于旒黈爾乃五風
十雨暘燠順道永海晏而河清麟鳳郊兮龜龍洛

明洪武八年七月間颶風暴雨海溢高三丈沿江居民漂

蕩死者二千餘人事聞命賑恤 九年七月初二日

颶風暴雨復作沿江禾盡沒是後沿海居民以海

低塌洪潮易入具呈各憲准著各都築造海塘

十二年大饑

永樂二十二年大饑

成化二年五月間颶風大雨三日夜山崩屋壞平地水

滿五六尺田禾無收人多淹死 五年十一月間市

心街兩岸火 十六年八月間有龍自海起經五都

葉垵拔神祠又經四都西坡拔居民十八家壓死者

二人 十九年十一月間北郭廟前火 二十一年

南門外火延燒百餘家


治二年六月間颶風猛雨大歉如成化二年

七年十一月間市心火弓橋火嶺門火

嘉靖二十三年春夏大旱田穀不登 二十四年大饑
餓殍無數五月間令彭謹爲粥以濟 二十八年冬
城內火自市中心延燒公館城樓及文武二狀元坊并
縣門儀門東西卷房土地祠總舖俱燼縣堂僅存
三十一年端陽日五鼓有星赤色尾長拖青從西方
飛過嶺門山前其光燭天墮海中有聲如巨炮居三
日賊自江口入瑞安東山據汝場焚劫民死者甚衆
三十八年十二月南門外復火延燒兩岸嗣又值烈
風電火坡南證真寺後山及九鳳山草木皆焚明年
春穀價騰貴民不聊生

萬曆五年八月二十二日未時天方晴忽聞天上鳴鼓
一聲 三十二年地震屋瓦有墮者 三十五年自
五月不雨至閏六月二十八日大雨徹五日夜不止
水溢民多溺死 四十二年三月間城內火自所起
延及南城樓至賣書巷止 七月初九日夜大雨仙
壇山崩大石如轉丸而下鐘樓及萬綠山房東閣廟
俱壞平地水深三尺

天啟二年九月間東門外火自龍船巷起北至八角橋
南至祐聖觀俱燬 四年四月紅日行天忽雨米止




西門內數家瓦上有之千戶劉德家獨多

崇禎十六年正月日黑光摩盪五月間有星大如斗聲如鐘鳴西南過東北而沒次早天赤如血 六月初三日雨雪止雅山紅寮前數家瓦上有之

皇清順治六年春大饑每石米價至七八兩 十四年九月

初四日夜火自市心街起東至城西至繡衣坊南至賣書巷延燒城內幾半 十二月一日午後忽炎熱如夏人多澡身減服蟄蟲盡出是夜嚴霜如雪田野死蛇無數 十五年冬有槐豆結實有桃實大如拳 十七年三月每米一石價銀四兩有奇禾登價乃平

康熙十年五月二十九日蝗蟲驟集沿江舊界邊田畝食稻凡五月八月間一二三都稻葉蟲徧田野將十日忽大風發三日盡滅 十四年凡暗室多生白毛有長如馬尾者 十六年春夏饑每米一斗價銀三錢有奇 十八年八月一日流雲中墮五色草子如微霰其狀或如粟或如小荳有拾至一二合者或藏而種之亦勾芒甲坼未久而枯 十九年正月十五夜城內火延及四門民居燬者過半 二十六年十月一夕譙樓廟傍火起燒兩岸百餘家 三十一年九月二十日申刻城內公館土地祠火起延燒公廨



及縣前店時北風烈火飛出城外木行松廠延燒兩岸至證真寺前茶亭下止 三十二年東門外延燒數十家 三十八年大饑 五十年夏大水南北兩港溪水暴漲淹沒居民數百人 六十年大饑穀價每兩六十觔

雍正元年大旱南北塘河兩岸俱種菜至二年二月河始通舟 四年十二月初四西門外大火延燒百餘家 五年七月颶風縣堂圯 十年通縣田禾徧生黑蠅禾稻無收次年大饑 十一年蒲門三都俱被蟲災

乾隆二年七月起至八月十五止共大颶風雨七次田

禾盡沒 生員王靈露記事甚詳 次年大饑米每兩六十觔饑民

狼藉

朝廷遣官設廠賑濟 事詳蠲恤 六年海溢江口鈔關衝去

沿江田畝俱沒奉


旨賑濟 七年十一月大街火兩岸延燒幾及倉廩 十

五年蟲災九月九日大水城內外驟滿三四尺傷損

田禾奉

旨賑濟 十六年大饑奉

旨賑濟 十八年旱給散籽種次年穀每兩九十觔 事俱詳蠲



恤

遺事


平地湧泉 唐咸通間議建寺于白沙忽平地湧泉脈
通麥城山寺成議塑觀音像有一僧至求爲之塑計
工金三百緡像成僧忽不見咸平十四年賜額爲湧
泉觀音院其迹尚在

子文裂 宋元祐建學宮于鳳凰山下立匾時有異人
謂匾上學字子文裂當有大魁至嘉熙裂周坦第狀
元淳祐再裂徐儼夫第狀元

狀元預兆 宋狀元周坦少孤貧一日牧牛失其牯
獲不敢歸夜臥新墟下遙見火光中人馬一簇來至
橋所驚曰狀元在其下遂返載東甌逸志

雀去蟻移 淨明寺僧名有元能誦諸品經咒尤精于
大悲每于夜深演誦晝則宴坐焚香撫琴而已一日
講止觀于堂上而簷間鳥雀相呼因與衆行道誦經
已而鳥雀皆去無復喧聲又其殿柱爲蟻所蛀乃行
道誦經七晝夜蟻皆移去自此遂絕

玉倉張氏 張氏忘其名嘗隱于玉倉山數年不出一
日鄉人偶于山中遇之引至一處見境界迥異艷葩
妙果俱非人間所有宿留數日歸語其家跡舊道求




平陽縣志 卷之十八 三
之第見蜂巒轉列白雲杳靄而已

聽經貓 靈鷲寺僧妙智蓄一貓僧每持誦經咒輒蹲座下聽之一日貓死僧不忍棄因瘞之後瘞所生蓮花衆異發之花自貓口出

鶴道士 智覺寺有鶴巢于殿脊抱卵寺傍兒童取其卵煮之僧慧永聞鶴悲鳴急取以還已而成雛飛翔永怪其事升巢窺之惟見一石旁有一草永取其草置瓶中一日有道士見草而駭曰編毒不見乃在此耶撥入袖中化鶴而去

窺鏡童 獨喚李氏子放蕪不容于父遇方士攜之東遊不移時達孝義鄉橋下辭不能進方士出小鏡使窺之恍然抵一山寺驚若夢覺視僧舍則樂清雁山靈巖寺去家數百里矣

義犬 元延祐間東田陳東臯兄弟三人極友愛其姻戚遺以占城之犬三隻兄弟各畜其一入同牢出同奔具解主人意一無悖戾防禦盜竊捕捉狐狸鼯鼠之屬莫有遺孽居十餘年東臯所畜犬病二犬號叫不已含食吸水有若哺飼藥餌者然及犬死東臯爲置灰穴以葬二犬亦啣草苴爬灰土以相掩覆既而號咷不食者三日陳氏爲之感泣章嘉有記




番航 元延祐五年冬有倭船泊五十二都大畧海濱
其人貌類中國或戴尖巾或禿爲僧衣白布及藍青
花服袖大而短束帶佩刀二譯者稱有本國客商五
百餘人齎金珠白布等物駕船于九月廿七日放洋
意投元國慶元路市舶司博易銅錢藥材等項不料
十月七日海風飄落至十五日至此十一月十四日
移泊瑞安飛雲渡齎到拜見上位及與浙省官赤皮
甲大刀皮袋箱扇等物隨即起解繼奉上司文仰遵
舊例前去慶元泊船博易外有倭僧平全珠齎到隨
身度牒係彼國治部尚書所給稱欲往廬山等處
尋馬祖遺跡常遊雁蕩天台諸名山云

靈源 石道人名太虛將于麥城拓地以爲棲真之所

夜半聞山中有入厲聲曰別聞之地非爾所居嗣而
興者友巖無範虎嘯猿啼朔風栗冽太虛懼而下山
後七日香林寺僧惠韶適擇是地葺茅坐參地初無
水出汲于溪月餘忽迸泉漸而盈溢故名靈源明洪
武初有僧德溢自天河來居丁卯莊嚴寺僧原則繼
居之惠韶字別聞德溢字友巖原則字無範時太虛
尚在因感悟昔所聞山靈之言爲驗

山隍土地 明永樂間嶺門鮑宗收租乘舟暮歸見水




面浮來木牌收視之上題山隍神位牌陰記神所生
年月與已之生期適符因奉歸立廟于東門外山下
祀之鮑氏子孫每歲于十月十七日致祭卽其生日
也至今勿替

番航 明 治八年秋有大艘爲颶風所破漂至金鄉
炎亭時出海陸路官軍捕緝得不死者二十餘人皆
纏布護巾裸跣袒右語音殊不可辨腰下或繫有螺
絲銀者又得桅竿 株大約五尺餘徑長約十餘丈
合四大木而成之中間長釘或重至六七觔者蓋萬
鋼鐵也極宜冶劍桅木見寘于金鄉衛廳人解上司
中貴俾譯人審言得貢方物狀然亦無明文可查以
紅船裝載赴京

忤子 周震恃才無忌甫秋試語父我等貴子非爾能
生父忍之已而震雙目忽盲作驢鳴而死有人死而
復甦見震在冥司冥主命吏籍之作驢震辯曰何罪
主曰汝忤逆不孝非畜而何震曰旣爾願就善地冥
主曰爾眼界自大俾覆兩目行磨受箠也蒙皮而去
事載東甌逸志

忤媳 天啟東門外徐少峰媳極忤逆少峰屢訶之一
日竊其翁之隻履誣以隱情翁不能白向天呼號媳




出強證時方烈日登時黑雲蔽天雷火掠人媳懼奔
忽轟然一聲少峰回顧媳已殛死在旁矣

雷警 順治年間柏洋農民林阿二性愚而忤父母指
天詈之一日與父同刈于田驟雨雷作有追擊之勢
阿二遶田奔走父跪而號曰我只有此子乞天公饒
他一次語未畢霹靂震地阿二仆倒聚觀者謂阿二
已殛死矣良久復甦自此改行頗得父歡人因呼爲
雷打二

橫浦老農 黃某性好觀劇康熙間見演鐵冠圖欲歎
泣下不能自禁次年其地賽願欲演此戲黃力阻不
聽是晚走匿他處不欲見聞越宿乃回

神顯異 順治三年有永嘉名色兵官項允思亦青衿
子以背雄里中自命奇傑跟隨大兵至平東關生員
呂季鉉季繡季鏢新居閱敝率兵百餘入踞之供值
月餘需索無厭一日薄暮有聲蓬蓬然自橋園中出
擲柑皮批 思頰急索之聞然無人須臾砂礮紛至
瓦石軒轟莫測所自允思幾無完膚兵亦多傷鉉兄
弟不沾一泥允思望空叩頭哀求更分乃已因驚懼
待旦引兵避去詳載鄭思恭客窗論世集


指痕石 在西甕城內舊在白石井邊忠靖王吞藥顯



聖時以手畫石成痕西城內外兩處居民爭舁之相
 持不下遂寘于此今西城內白石河西城外白石街
 之名蓋本諸此年久市兒蓋浮舖于上幾泯其跡康
 熙甲戌總兵李華令金以竣作亭以表之

番航 國朝康熙六十年六月有番三人乘小船為颶
 風飄至金鄉船係白藤所編似內地脚船其人長大
 鬚髮皆卷穿大袖長衣胸前挂番字小木牌食菸捲
 葉着火卽啣葉而喫解送郡城

平陽縣志卷之十八終



國家圖書館, NATIONAL CENTRAL LIBRARY, TAIWAN, R.O.C.

